

Voces de Queempostela

Boletín Mensual
de Información

Nº21 ABRIL 1998

Editado polo
C.G.C.

Galiza

Dous anos, novo formato

O Voces de Queempostela cumpre dous anos, e para o celebrarmos estreamos novo formato con más novas e más páxinas. Todo para ti. Ademais, xa podes adquirir totalmente gratis o teu Voces en varios locais de lecer de Compostela. E lembra, ti tamén podes participar: envianos suxestións, propón-nos ideas e anúnciate, é de balde!!!

Que foi do 28-M?

O pasado 28 de marzo, as asociacións homosexuais do Estado Español mobilizaron-se para esixiren a aprobación dunha lei de parellas. Os actos concentraronse en Madrid cunha manifestación á que acudiron ao redor de 4.000 persoas. Os problemas de agresións que se viveron na Galiza nos últimos meses fixeron que o CGC convocase actos específicos en Compostela. Apoiados polo BOGA e polo grupo Mil-Homes, así como por outras organizacións, o CGC organizou unha concentración reivindicativa na Praza do Toural á que acudiron, segundo mèios de comunicación locais, sobre 200 persoas. Pola noite organizouse unha festa na que participaron ben máis de 300 persoas. O CGC cualifica de positivo o resultado dos actos organizados en Compostela e seguirá a presionar para que se apruebe a lei de parellas e por unha actuación decidida do conxunto da sociedade para loitar contra a violencia homofóbica.

Dia do Orgullo: comezan os preparativos

O Colectivo Gai de Compostela comezou a preparar, en colaboración co BOGA, os actos do Dia do Orgullo e da Libertación Homosexual. Hoxe o 28 de xuño cae en domingo, co que o CGC e mais o BOGA decidiron pasaren a celebración dos actos para o sábado dia 27. Para ese dia pensa-se organizar un marípicnic, unha concentración reivindicativa e unha festa. Como xa é habitual, durante toda a semana organizaráse un ciclo de vídeos gais e lésbicos. Desta volta, a novidade estará na organización dun campionato de brilé. O programa

de actos, con datas e lugares, estará fixado para o final de maio e será repartido a comezos de xuño.

Xa funciona o teléfono lésbico

O BOGA (Colectivo de Lesbianas de Galicia) puxo en funcionamento durante este mes de abril un teléfono móvil aberto ás chamadas da cidadanía. O número é o 919 - 34 - 67 - 53. Co funcionamento deste teléfono o BOGA espera poder atender ás dúbihdas e suxestións da cidadanía e en especial das mulleres do noso país. Así mesmo, o CGC tamén decidiu pór en funcionamento un teléfono semellante para este mes de maio.

Xornadas de formación no Comité Anti-Sida

Os días 24 e 25 de abril o Comité Anti-Sida de Compostela organizou unhas xornadas de formación para o seu voluntariado. As devanditas xornadas estiveron, así e todo, abertas á participación da cidadanía. Entre outras, contou-se coa intervención de voluntariado que traballa con presos e prostitutas.



Parladoiro sobre a dobre vida

Máis de 25 persoas interviñeron no parladoiro sobre a dobre vida que organizou o pasado 23 de abril o colectivo lésbico compostelán BOGA. Ao igual que os parladoiros do CGC, este organizou-se no coñecido pub da zona vella "Modus Vivendi". Esta era a primeira actividade pública organizada en solitario polo BOGA. A boa resposta ao acto confirma o bo momento do movemento lésbico e, en xeral, homosexual en Compostela.

A revista "Fluxos" sai en Maio

Rematado o proceso de maquetación e fotocomposición, o equipo que traballa na Asociación Sociocultural "Blanco-Amor", nacida no seo do CGC, fará entrar en imprenta a revista "Fluxos" na primeira semana de maio. De carácter anual e financiado pola Dirección Xeral de Política Lingüística, "Fluxos" pretende ser unha publicación centrada nos estudos gais e lésbicos. Este primeiro numeró contará cunha tirada de 300 exemplares que se distribuirán por universidades e librarias. O prazo para entregar novos traballos remata en setembro.

Un gai esixe a pensión de viuvedade

O pasado 16 de abril, Antonio Mata Estévez apresentou no xulgado do social nº 15 de Madrid unha demanda na que lle esixe á Seguridade Social o pagamento dunha pensión de viuvedade. Antonio convivira durante 18 anos coa sua parella, que faleceu xuño pasado nun accidente de coche. A Seguridade Social nega-se a lle conceder a pensión alegando que non estaba casado co finado. Antonio Mata conta co apoio da sua familia política, da que algúns dos seus membros acudiron como testemuñas ao xulgado. Así mesmo, tamén amosaron o seu apoio o secretario xeral de Comisións Obreras, Antonio Gutiérrez, o deputado socialista Jordi Pedret e a Fundación Triángulo para la Igualdad Social de Gays y Lesbianas. Antonio Mata pensa recorrer ao Tribunal Constitucional no caso de que a sentenza do xuízo non lle sexa favorábel.

Permiso matrimonial para unha parella gai

A Generalitat Valenciana acaba de recoñecer, por primeira vez e baixo o mandato do PP, o direito ao membro dunha parella gai para desfrutar dun permiso de 15 días ao se ter inscrito no rexistro autonómico de parellas de feito. Enrique Poveda, que así se chama o beneficiado, traballa no Sistema Valenciano de Salut, no que lle recollece por lei o direito a un permiso de descanso ao persoal que contaia matrimonio. Este é o segundo caso destas características que se dá no Estado Español xa que en 1997 a Comunidade de Madrid xa lle concedeu o mesmo permiso a unha parella de lesbianas. A decisión da Generalitat Valenciana supón, xa que logo, un avance máis nas reivindicacións das parellas homosexuais, das que se calcula que son ao redor de 600.000 no Estado Español.

Xornadas lésbicas en Andalucía

Os días 14 e 15 de marzo pasado a Asociación de Lesbianas de Andalucía (ALA) e mais o Colectivo de Lesbianas y Gais de Andalucía (COLEGA) organizaron en Sevilla un encontro de lesbianas. Co lema "¡Que nos vean!", estas xornadas pretendían fomentar a visibilidade lésbica en Andalucía. Nas mesmas, Rosa Ortega, presidenta da ALA, denunciou a dobre vida que levan os e as homosexuais desta comarca autónoma española especialmente nas cidades pequenas.

A ILGA esixe o arrepentimento da Igrexa

A organización internacional ILGA (International Lesbian and Gay Association) quer que a Igrexa Católica estenda os seus arrepentimentos aos e ás homosexuais despois de lle pedir perdón esta á comarca xudia o pasado mes de marzo. Os máximos representantes da ILGA, Jordi Pettit e Jennifer Wilson, enviaron-lle unha carta ao Papa Xoán Paulo II na que esixen que a Igrexa se arrepinta tamén pola persecución de homosexuais por parte da Inquisición. Con esta carta, a ILGA abre unha

campaña internacional dirixida aos embaixadores ou núnclios do Vaticano en todos os países do mundo co obxectivo de solicitar un pronunciamento de perdón da Igrexa Católica por ter contribuído, coa sua doutrina e con bastantes dos seus membros, a esta persecución. A ILGA agrupa ao redor de 400 organizacións homosexuais de todo o mundo. Foi fundada en 1978 e é unha organización consultiva do Consello de Europa. Pola súa banda, a Coordinadora Gay-Lesbiana enviou o texto proposto pola ILGA ao núnclio do Vaticano no Estado Español, Ladjos Kada. Esta carta tamén foi asinada pola Asociación Cristiana de Gays y Lesbianas.



Rexeitan-se as emendas ao Contrato de Unión

O pasado 28 de marzo rexitáronse no Congreso dos Deputados as emendas presentadas polo PSOE, IU e Nueva Izquierda á proposición de lei orgánica do PP de Contrato de Unión Civil. O rexemento destas emendas foi apoiado polos votos en contra de CiU e o PNV, e polas abstencións de Coalición Canaria. Os partidos da esquerda e as asociacións homosexuais expresaron a sua protesta xa que o devandito proxecto non reconoce para nada as parellas de feito homosexuais, e non fala en ningún momento de amor, afectividade, sexo ou de orientación sexual. Tanto o PSOE como IU e Nueva Izquierda volveron apresentar no Congreso textos alternativos más explícitos apoiados en liñas xerais polas organizacións homosexuais do Estado.

O goberno das Bahamas desculpa-se

O ministro de turismo das Bahamas, así como o Primeiro Ministro do país, Hubert Ingraham, desculparon-se publicamente perante a compañía Olivia Cruises pola manifestación homófoba organizada en Nassau por organizacións fundamentalistas cristiás o pasado 13 de abril, cando un cruceiro da devandita compañía chegou ao país con 800 lesbianas a bordo. A Olivia Cruises aplaudiu a decidida posición governamental. Hubert Ingraham declarou en televisión que o deber do goberno era o de protexer o país e os e as suas visitantes da discriminación e da invasión da sua privacidade. Asimesmo, o Primeiro Ministro denunciou a "histeria" do fundamentalismo cristián. Unha cópia destas declaracions foi-lle enviada á presidenta da Olivia Cruises como parte da desculpa.

Italia: fascistas versus profesorado homosexual

O líder do partido neo-fascista italiano Alleanza Nazionale (AN), Gianfranco Fini, realizou unhas declaracions televisadas polo Canale 5 nas que se opuña ao exercicio do profesorado homosexual nas escolas. As declaracions de Fini, feitas durante un debate, foron aplaudidas de contado pola audiencia. A protesta da organización homosexual ArciGay non se fixo esperar. O rexeitamento ás declaracions de Fini tamén veu dos partidos e xornais da esquerda e mesmo da dereita, como a formación Forza Italia. Asimesmo, o ministro de educación, o comunista Luigi Berlinguer, defendeu que o exercicio da docéncia por parte de homosexuais non implicaba problema nengún e afirmou que non se poden impor límites na liberdade persoal, xa que é un direito salvagardado na constitución italiana. Sen embargo, unha asociación de pais de alumnos xa manifestou o seu apoio ás declaracions de Fini e un voceiro do Vaticano argumentou que a saída do armario do profesorado homosexual é un feito problemático e lamentábel.

Prémio do libro infantil para un relato lésbico

O goberno de Nova Celándia concedeu-lle o premio do mellor libro infantil do ano á escritora lésbica Paula Boock polo seu relato "Dare, Truth or Promise", no que se conta unha historia de amor homosexual entre duas adolescentes. Ainda que non se trata dunha obra autobiográfica, Boock reflicte nela experiencias persoais da sua mocidade. As críticas da dereita foron o contraponto á celebración do prémio. O líder do Christian Heritage Party, Graham Capill, convocou o dia da entrega unha conferéncia de prensa para expresar o seu rexeitamento e chamar ao boicote as distribuidoras e as librarias. O libro recomenda-se para unha faixa de idade de entre os 13 e os 17 anos.



Reforma lexislativa en Chipre

O pasado 7 de abril o Consello de Europa deu-lle ao goberno de Chipre o prazo dun mes para mudar a sua lexislación anti-homosexual, do contrario a illa, que tamén solicitou o seu ingreso na UE, deixará de formar parte da devadita institución. Así, o parlamento chipriota dispón-se a derrogar a lei contra a sodomía, amosando a maioria das e dos parlamentarios o seu apoio á reforma. Sen embargo, a Igrexa Ortodoxa iniciou unha forte campaña para manter a lexislación vixente. Nesta campaña enviaron-se cartas ás e aos membros do parlamento nas que se lles pedia que votasen en contra da reforma. Un dos arcebispos ortodoxos mesmo chegou a declarar en televisión que se Chipre non se mantiña firme frente a Europa, esta fá animar ás e aos chipriotas a facerse homosexuais para poderen ingresar nas institucións do continente.

Sabotaxe á misa do arcebispo de Canterbury

O grupo de activismo homosexual británico OutRage manifestou-se o pasado 14 de abril nunha misa oficiada polo arcebispo de Canterbury, monseñor George Carey, para protestar contra a posición homófoba da Igrexa Anglicana. Seis militantes de OutRage interromperon a homilia de Carey subindo-se ao púlpito e despregando pancartas nas que se pedia a fin da discriminación dos gais e das lesbianas pola Igrexa británica. Os activistas foron expulsados do templo pola policía e un deles foi posto en prisión preventiva.

George Michael sai do armario

O pasado 10 de abril o cantante británico George Michael reconheceu publicamente a sua homosexualidade durante unha entrevista concedida á CNN. George Michael aceitou esta entrevista para tranquilizar os seus e as suas fans despois de ter sido arrestado por tentar engatar nuns baños públicos en Beverly Hills (Los Angeles). Lamentando ter dado a coñecer a sua homosexualidade deste xeito, George Michael insistiu en que non se sentía culpábel por ter ido aos baños públicos, nos que reconheceu ter engatado várias veces. O artista confesou mesmo que non ten relacións con mulleres desde hai 10 anos e que en todo este tempo as letras das suas cancións teñen falado implicitamente sobre amor entre homes. George Michael deixa asi de lado unha estratexia publicitaria ambíigua que reconheceu ter seguido para non perder o contacto coas suas fans. O pasado 16 de abril, o Fiscal do Distrito anunciou unha rebaixa das acusacións contra o cantante, ao que ainda se lle imputa a de escándalo público. Fontes extraoficiais apontan que George Michael poderá ter que pagar unha multa de 250 dólares e pasar varios meses prestando servizos sociais. Ademais, non se lle permitirá achegar-se ao parque no que se atopaban os baños públicos.

Anúncios de Balde

Vivenda

✿ Busco compañeiro para compartir piso en Santiago, zona vella, norte ou leste. Todo o ano e a partir de xa. Estudiante ou traballador, que sexa ordenado, enrollado e afable. Góstame o cine, a música non machucona e o sendeirismo. Teléfono de contacto: 970-51-62-86.

Contactos

✿ Busco un home para amizade e o que veña logo. O físico non é o máis importante, pero si a honestidade e a sinceridade. Zona de Galicia. Eu teño 32 anos, son moreno, ollos castaños, 1'61 m., corpo xeneroso. Amais de ser pasivo a tope, gusto de cocinar e das plantas, pero tamén me gusta ir de marcha. Busco e dou cariño e comprensión. Absterse bromistas ou curiosos. Escríbeme á Rúa Belvís nº7 baixo, 15703 Compostela

✿ Me llamo José, vivo en Madrid, 36 años, 1'70 m., 60 kg., Interesado en: música, cine, historia, idiomas, naturaleza. Me gustaría contactar gente 27-42, con intereses similares. Jose, Apdo. 50205, 28080 Madrid.

✿ Soy Lucía, tengo 18 años, piel blanca, pelo negro, ojos pardos, 1'65 de estatura. Deseo correspondencia con personas de todo el mundo. Dirección: Lucía Loria González/C. Central km.12 #11801/CP 19180 C.Habana /Cuba. Tf: 91-40-60.

✿ Carlos. 39 años, 1'70 m., 75 kg., moreno, ojos azules, pelo corto, sano y discreto. Busco tío entre 22 y 40 años, simpático y tierno para amistad y SSR. Abierto a sugerencias. Sólo gente sana y discreta. Apartado de correos 2093 / 15780 Compostela.

Lembra, anunciar-te nesta sección do Voces de Queempostela é totalmente gratis. Non só podes póner anuncios de contactos, tamén caben aquí mensaxes nas que se busca vivenda, intercambios, ofertas ou demandas de trabajo, etc... Pode anunciar-se toda a persoa que o queira, non só homosexuais ou bisexuais. Só tes que enviar o texto (clarino) do teu anuncio por correo electrónico ou ao apartado de correos do CGC. Se queres, tamén o podes entregar en persoa no local do colectivo nas horas de permanencias. Anima-te!!!

Asociacións homosexuais da Galiza

Colectivo Gai de Compostela

Local: Rua Entremuros, 16B, Baixo, Compostela.
Permanencias, luns, mércores, xoves e venres de 20:30 a 21 horas. Reunión semanal, martes ás 20:30 horas.

Correo: Apdo. 191 / 15780 Compostela

Correo electrónico: gaiacompos@hotmail.com

Páxina Web: www.geocities.com/westhollywood/9463



BOGA - Colectivo de Lesbianas de Galicia

Correo: Apartado 2169 / 15780 Compostela
Correo electrónico: lesbicompos@hotmail.com
Teléfono: 919-34-67-53

Mil-Homes, Grupo Gai da Coruña

Correo: Apartado 24 / 15080 A Coruña

GALEGA (Gais e Lesbianas de Galicia)

Correo: Apartado 665 / 27001 Lugo
Teléfono: (982) 24-45-60, extensión 1

Libertaçom Homossexual

Correo: Apartado 343 / 32080 Ourense